

Ljudi koji puše marihuanu češće se seksaju

Američki naučnici su ustanovili da osobe koje povremeno puše marihuanu imaju 20 posto češće spolne odnose od onih koji ne konzumiraju ovu opojnu drogu.

Naučnici s američkog Stanforda ustanovili su povezanost između pušenja marihuane i učestalosti spolnih odnosa te su rezultate objavili u petak u stručnome časopisu Journal of Sexual Medicine.

Do spomenutog su zaključka došli proučivši podatke što su ih između 2002. i 2015. od 50.000 Amerikanaca u dobi od 25 do 45 godina prikupili njihovi kolege iz državnih Centara za kontrolu bolesti i njihovu prevenciju.

Ispitanici koji su sudjelovali u anketi morali su odgovoriti na pitanje koliko su puta u posljednja četiri sedmice imali heteroseksualne spolne odnose i koliko su često u zadnjih 12 mjeseci pušili marihuanu, stoji u priopćenju naučnika sa Stanforda.

Žene koje su svakodnevno pušile marihuanu imale su spolni odnos prosječno 7,1 put u četverosedmičnom razdoblju, u odnosu na 6 puta, koliko su odnos imale ispitanice koje nisu konzumirale ovu opojnu drogu.

Kod muškaraca je taj odnos iznosio 6,9 puta u odnosu na 5,6 puta kod onih koji nisu pušili marihuanu.

“Drugim riječima, korisnici marihuane imali su češće spolne odnose za 20 posto u odnosu na one koji nisu pušili opojnu drogu”, rekao je jedan od autora studije dr. Michael Eisenberg, profesor urologije na Stanfordu, piše Index.

Otkrio je i da se dosad vjerovalo kako parovi najčešće puše “travu” nakon spolnog odnosa, no njihova je anketa pokazala da je upravo suprotno bez obzira na to o “kojoj je dobnoj skupini riječ, neovisno o rasi, stepenu obrazovanja, o prihodu, vjeri, zdravstvenom i bračnom statusu.”

U 29 američkih država i Districtu Columbiji, marihuana je legalna bez obzira na to je li riječ o zdravstvenoj ili rekreacijskoj svrsi.

Po istraživanju što ga je proveo i ove sedmice objavio Gallup, rekordan broj američkih državljana, čak 64 posto, vjeruje da bi se konzumacija marihuane trebala ozakoniti.

Eisenberg je upozorio da se studija ne bi smjela pogrešno protumačiti. “Ne znači da ćete, ako budete češće pušili marihuanu, imati češće spolne odnose”, upozorio je.

60

SHARES

[Share on Facebook](#)

-

[Tweet](#)

-

[Follow us](#)

-

[Share](#)

-

[Share](#)

-

[Share](#)

-

[_Share](#)

[_Share](#)

Date: 28-10-2017